



АКАФИСТ

**СВЯТОМУ МҀЧЕНИКУ
АВРААМИЮ БОЛГАРСКОМУ**



Тропарь, глас 4

Днёсь, благовѣрнии людіе,/ сошѣд-
шеся, восхва́лим дѣбляго сегѡ мѹче-
ника и страдальца Авра́амія:/ сей бо,
укрепля́ем сілою Бѣжиною, дѹшу свою́
положи́ за Христа́,/ мнѡго пострада́в
от зловѣрных болга́р./ Сегѡ ра́ди от
Гѡспода венѣц прия́т,/ и ны́не пред-
стои́т Емѹ и мо́лится о гра́де сем// и о
всех нас, чтѹщих па́мь егѡ.

Кондак, глас 8

Яко́ многоце́нное сокрови́ще,/
принесе́но бысть от Болга́рския страны́
во град Влади́мир/ пречестно́е тѣло
твоѡ, мѹчениче Авра́аміе,/ ѡмже
пода́еши всем чтѹщим пресла́вную
па́мь твою́ ѡбилье исцелѣ́ній,/ пред-
стоя́ на Небеси́ Христу́ Бѣгу// и моля́
Егѡ о спасѣ́нии душ на́ших.



Акафист святому мученику Авраамію Болгарскому

Кондак 1

Избранный страсотѣрпче Христов
и чудотворче предивный, во страданіи
твоѣм венѣц приѣмый от руки Вседер-
жителя и со Ангелы предстояй Егó прес-
толу, пѣсньми восхваляем тя любóвию
и мóлимтися, молітвами твоіми от
всяких бед и скорбѣй свободдай нас,
тебе зовущих:

Радуйся, мучениче и чудотворче Ав-
рааміе.



Икос 1

А́нгелов сожи́тель и челове́ков застúпник вои́стину яви́лся еси́, му́чениче достохва́льне, благоволе́нием всех Творца́ Христа́ Бо́га, Его́ же возлюби́л еси́ и за Него́ же пострада́л еси́ да́же до кро́ве во испове́дании непоколеби́мом. Те́мже приими́ от нас сия́ хвале́ния:

Ра́дуйся, звездó пресве́тлая благоче́стия; ра́дуйся, свети́ло, во тьме нече́стия пресла́вно возсия́вшее.

Ра́дуйся, злове́рия магомéтова обли́чителю; ра́дуйся, ве́ры христиа́нския небо́язненный пропове́днице.

Ра́дуйся, Ева́нгельскаго уче́ния до́брый послу́шателю; ра́дуйся, зако́на Господня́ тепле́йший храни́телю.

Ра́дуйся, кúплю вре́менную преме́ни́вый на стяжа́ние ве́чное небéсное;



**ра́дуйся, ве́ры Христо́вы бисер
многоценен стяжа́вый.**

**Ра́дуйся, Христо́вым уче́нием ду́шу
твою́ просвети́вый; ра́дуйся,
удосто́ившийся благода́тнаго
осене́ния свы́ше.**

**Ра́дуйся, яви́выйся добродете́лей
жили́ще, преукраше́нное чисто-
то́ю; ра́дуйся, Ду́ха Свята́го оби́тель
прекра́сная.**

**Ра́дуйся, му́чениче и чудотво́рче Ав-
раа́мие.**

Кондак 2

**Ви́дя Христо́с Господь ду́шу твою́,
ко прия́тию се́мени сло́ва Бо́жия чисто-
то́ю и ми́лостынею предугото́ванную,
свѣтом позн́ания Своего́ просвети́
тя, блаже́нне, я́ко Корни́лия со́тника
дре́вле, та́ко и твоя́ добродете́ли преж-
дебыв́шия помяну́в любоблагоутро́бно,**



спасаемых части сотвори ты общника
в Небесном Царствии, идеже со Ангелы
поеши Пресвятей Троице песнь: Алли-
луиа.

Икос 2

Разум богопросвещенный даровася
тебе, Авраамие, имже ясно проразу-
мел еси тщету душепагубную зловерия
магометова, и онаго уклонитися, Христа
же взыскати потщался еси вседушно;
темже зываем ти:

Радуйся, блаженный последователю
Христов; радуйся, любителю заповедей
Его преискренний.

Радуйся, крине благоуханный рая
превышняго; радуйся, цвете
прекрасный вертограда Иисусова.

Радуйся, богатство земное ни во
чтоже вменивый; радуйся, стяжания
тленная презревый.



**Ра́дуйся, ни́щия удовлі́вый;
ра́дуйся, рука́ми убо́гих сокро́вища
твоя́ го́ре предпосла́вый.**

**Ра́дуйся, я́ко не уклоні́лся еси́
в лихоимéние; ра́дуйся, я́ко неулов-
ле́н пребы́л еси́ сребролю́бием.**

**Ра́дуйся, му́дрый купе́ц Ца́рствія
Небе́снаго; ра́дуйся, ве́рный ра́бе,
да́нный тебé тала́нт приумно́-
живши́й.**

**Ра́дуйся, му́чениче и чудотво́рче Ав-
раа́мие.**

Кондак 3

**Си́ла Вы́шняго укрепі́ ты на по́двиг
страда́льческий, му́чениче святы́й
Авраа́мие; не терпя́ бо ві́дети па́губу
душ челове́ческих, ре́вностию возго-
ре́лся еси́ по Бо́зе жи́ве, и став посреде́
то́ржища, небоя́зненно обличи́л еси́**



магомéтову прéлесть, поучáя собрáтий твои́х благочéстно véровати во Христа́, за Него́ же и страдáти не уклони́лся еси́, зови́й: Аллилу́иа.

Икос 3

Име́я зловéрием потемнённые ду́ши, не восхотéша болга́ре при́нкнути в ра́зум словéс твои́х божéственных, но рúце убийственны́я на тя возложивше, би́ением лю́тым содробля́ху твоя́' соста́вы. Мы же, ублажа́я страдáния твоя́', глаго́лем:

Ра́дуйся, Христа́ вседу́шно возлю́бивый; ра́дуйся, любóвь к Немú язвами, за Него́ подъя́тыми, явивый.

Ра́дуйся, апóстолом поревновáвый; ра́дуйся, оргáн Свята́го Дúха бывый.

Ра́дуйся, благовéстия Евáнгельскаго устá благоглаго́ливая; ра́дуйся, словеса́ жи́зни вéчныя провещáяй.



**Ра́дуйся, би́ение лю́тое за пресла́д-
каго ти Иису́са сла́дце претерпе́вый;
ра́дуйся, поруга́ние и досаждéние за
Него́ благоду́шно восприя́вый.**

**Ра́дуйся, я́ко во испове́дании
Христо́ве непоколеб́им пребы́л еси́;
ра́дуйся, я́ко ласка́нием и прельще́-
нием непреклонéн яви́лся еси́.**

**Ра́дуйся, страсотéрпче, в му́жестве
неодоле́нный; ра́дуйся, добропобéд-
ниче, в терпéнии непрелóжный.**

**Ра́дуйся, му́чениче и чудотво́рче Ав-
раа́мие.**

Кондак 4

**Бу́рею злóбы ды́шуще, нечестíвии
болга́ре терза́ху тя, я́ко а́гнца незлó-
бива зве́рие дíвии, покуша́яся му́ками
отврати́ти тя от Христа́ ко своему́ нече́-
стию; но ничто́же успе́ша потемне́нии,
си́лою бо свы́ше укрепляе́мь, посрами́л**



есї ѡных ухищрѣние, посреде мучѣний немѡлчно исповѣдуя Христа, единаго Творца и Бѡга, и вопия Ему: Аллилуїа.

Икос 4

Слышав увещательныя твоя глаголы, мучителие твои, аспидом глухим уподобльшися, сугубыми ранами уязвляху тело твоё многотерпеливое, Авраамие святе, яко не быти на нем места цѣла и неуязвлена. Дивясь убо величеству терпѣния твоего, зовѣм ти:

Радуйся, учителю благочестия;
радуйся, посрамителю нечестия.

Радуйся, ранами, яко утварьми многоценными украшенный;
радуйся, кровию твоею, яко багрянницею, облаченный.

Радуйся, всесожжение тучное себе Христу принѣсший; радуйся, за



**прелюбѣзнаго ти Иисуса дѹшу поло-
живый.**

**Радуйся, страданіем сочетавыйся
Христу, ради нашего спасенія
распятому; радуйся, ликовствуя
в чертозе небснаго Домовладыки.**

**Радуйся, у Престола Божия пред-
стояй с Горними Силами; радуйся,
откровенным лицем созерцаая
славу трисияннаго Божества.**

**Радуйся, от райских высот прини-
каяй благосердием твоим к нам
земнородным; радуйся, спасаая от
бед веру и любовь к тебе имущих.**

**Радуйся, мучениче и чудотворче Ав-
раамие.**

Кондак 5

**Богомудрым проповѣдником
апостолом, за имя Христово раны
радостно приѣмшим, подражал еси**



во страданіи твоём, Аврааміе, вопія́
сопроті́в мучащих тя: Христа́ чту, Его́
еди́наго люблю́ и умре́ти за Него́ преис-
кренне желáю, да и с Ним живу́ во ве́ки,
зовы́й: Аллилѹ́иа.

Икос 5

Видевше ты, злочесті́вии мучи́-
телие болгаре, непреклѡ́нна и непо-
беді́ма исповѣ́дника Христо́ва, пѣ́рвее
ру́це и но́зе твоѣ́ отсекѡ́ша, та́же
и главу́ твою́́ честну́ю мечѣ́м отъя́ша,
и та́ко до́блестно течѣ́ние твоѣ́ сконча́в,
прешѣ́л еси́ к обі́телем небѣ́сным, от
нас же земны́х слы́шиши похва́лы сия́:

Ра́дуйся, исповѣ́дниче Христо́в
непобеді́мый; ра́дуйся, адама́нте
терпѣ́ния крепча́йший.

Ра́дуйся, но́вый мучени́че, дрѣ́вним
вели́ким мучени́ком равночѣ́стне;
ра́дуйся, пресла́вный венценѡ́сче,
горѣ́ увенча́нный.



**Ра́дуйся, чудотворéния благодáтию
от Гóспода обогащённый; ра́дуйся,
целéб подáтелю всеблагíй.**

**Ра́дуйся, во благоухáнии святýни
почивáяй; ра́дуйся, аромáты ра́й-
скими облагоухáяй дýши вёрных.**

**Ра́дуйся, истóчнице дарóв много-
разл́чных; ра́дуйся, рекó присно-
теку́щая чудéс.**

**Ра́дуйся, милосéрдия к страждущим
сокрóвище неисто́щимое; ра́дуйся,
боля́щих врачевствó неоскúдное.**

**Ра́дуйся, мýчениче и чудотвóрче Ав-
раáмие.**

Кондак 6

**Проповéстся в странé Россíйстей
дóблесть пóдвига твоегó страдáльче-
скаго, мýчениче всехвáльный; тёмже,
слы́шав твою́ конч́ину слáвную и чудо-
творéний тво́их благодáть, благо-**



**вѣрный великий князь Георгий восхотѣ
стяжати тя заступника стольному граду
своему Владимиру, в онъ же мѡщи твоя
от болгар принести потщася, зовый
венчающему мученики Христу Богу:
Аллилуиа.**

Икос 6

**Возсиял еси преславно чудотво-
рѣния лучами, по пренесѣнии мощей
твоихъ честныхъ, Авраамие святе, во
град Владимир, иже ѡными свѣтло
красуется, яко сокровищемъ много-
цѣннымъ. Также и град Болгар по скон-
чании многаго времени десницею
твоєю многоцѣлѣбною освятися; мы же,
чтущии тя, раку твою любѣзне обсто-
яще, зовѣм ти:**

**Радуйся, града нашего похвало
и утверждѣние; радуйся, обители
Богоматерния, в нейже почиваеши,
присное заступлѣние.**



**Ра́дуйся, подви́зающимъ в ней
благодáтное вспомо́жение; ра́дуйся,
о́ных покрóве и защи́ение.**

**Ра́дуйся, недúгующих скоропред-
стáтельный целéбниче; ра́дуйся,
унывáющих благонадéжное возбуж-
дéние.**

**Ра́дуйся, скорбя́щих всежелá-
тельное утешéние; ра́дуйся, ни́щих
изобíльное богáтство.**

**Ра́дуйся, боля́щих младéнцев исце-
лéние; ра́дуйся, изнемога́ющих
укреплéние.**

**Ра́дуйся, ревнóющих о благочéстии
помóщниче; ра́дуйся, пребывáющих
в постé и молíтве споспéшниче.**

**Ра́дуйся, мúчениче и чудотвóрче Ав-
раáмие.**



Кондак 7

Хотя́ человеколюбец Господь явити щедрот Своихъ обилие странѣ Россійстей, дарова́ нам тебе́ страсотѣрпца новаго и молѣтвенника богоприятнаго, чудесъ благодать источающа и недужныхъ безмѣдно врачующа; тѣмже благодаримъ тобою́ благодѣющаго намъ Господа и свѣтло прѣзднуемъ честныхъ мощей твоихъ пренесѣние, къ нимъ съ любовью припадающе и Христу́ зовуще: Аллилу́иа.

Икос 7

Новаго ты мученика и добляго страдальца, Христова исповѣдника и чудотворца славнаго, любовью ублажаемъ, и радуешься о твоѣмъ къ намъ пришествию, глаголемъ:

Радуйся, деннице лучезарная,
озарившая Болгар и Владѣмир;



**ра́дуйся, лучу́ немерца́ющий Со́лнца
пра́вды Христа́.**

**Ра́дуйся, уго́днице Госпо́день,
предивный в чудесе́х; ра́дуйся,
пра́веднице, просла́вленный на
небеси́ и на земли́.**

**Ра́дуйся, нетле́нием моще́й твои́х
в и́стине воскресе́ния ме́ртвых
уверя́й; ра́дуйся, о́браз безсме́ртia
в сме́ртнем телеси́ показу́й.**

**Ра́дуйся, я́ко тебе́ дана́ бы́сть благо-
да́ть за ны моли́тися и возбу́жда́ти
нас ко благо́м делом; ра́дуйся, я́ко
и по преста́влении твоём благоде-
я́ние тре́бующим подава́еши.**

**Ра́дуйся, от смертоно́сных язв
и боле́зней притека́ющих к тебе́
сохраня́й; ра́дуйся, бе́дствующим
и оби́димым помога́й.**

**Ра́дуйся, боголю́бivых душ непо-
сты́дное упова́ние; ра́дуйся,**



любящих тя присное утешение.

Рáдуйся, мучениче и чудотвóрче Авраáмие.

Кондак 8

Стрáнно есть вíдети мёртвенное тéло, жизнь присносущную являющее, во грóбе лежащее и недúги врачующее; но, мучениче Христов Авраáмие, мощáми твоими святými в храме сем почивáяй, вéруем несомнénно, я́ко и дúхом твоим не отлучáешия от нас, недостóйных, честнóую рáку твою́ с любóвию обстояющих и Христу́ благодарне зовúщих: Аллилу́иа.

Икос 8

Весь в вы́шних еси́, святче Бóжий, во свéтлости святých торжествúеши и наслаждáешия неизречénных благ небéсных; вéмы же, я́ко и нас земных



**и пёрстных не забывáеши, но от гóрних
высóт мýлостивно к нам приникáеши,
подвизáя нас чéствоватьи тя сýми похва-
лáми:**

**Рáдуйся, благочéстия утверждéние;
рáдуйся, Правослáвия похвалó.**

**Рáдуйся, земл́и Россýйския благо-
дáтное осенéние; рáдуйся, града
Бóлгара свéтлое рáдование.**

**Рáдуйся, многострадáльная рóзго
винограда Христóва; рáдуйся, граж-
дан́ине гóрняго града, Иерусали́ма
Небéснаго.**

**Рáдуйся, в преслáвном мýчениче-
ском л́ике пребывáяй; рáдуйся, рая́
ж́ителю всеблажéнный.**

**Рáдуйся, Цáрствия Христóва наслéд-
ниче; рáдуйся, вéчныя блажéнная
ж́изни сопричáстниче.**

**Рáдуйся, прибéжище нáше и защи-
щéние; рáдуйся, скóрое и безмéздное**



недúгов врачевáние.

Рáдуйся, мúчениче и чудотвóрче Авраáмие.

Кондак 9

**Вси А́нгели небéснии воспри-
я́ша тя рáдостно во обíтели ра́йския,
страдáльче богомúдре Авраáмие,
идéже святáя твоя́ душá, огнём стра-
дáния искушénная, пóчень побéдную
восприя́ от Христá Бóга нáшего, прáвед-
наго Мздовоздая́теля подвизáющихся
за íмя Егó святóе на земл́и; прослав-
ля́ бо их на Небес́и, с Гóрними во́и
у Престо́ла Своегó предстоя́ния сподо-
бля́ет, идéже поётся Ему́ немóлчная
песнь: Аллилúиа.**

Икос 9

**Витíйством злочестíвым и прель-
щéнием лука́вым неуловлén пребýл
ес́и, страсотéрпче, извóливый пáче**





умрѣти, нѣже Христа́ и вѣры в Него́
святѣя отрещіся, тѣмже, яко дѣбляго
исповѣдника Христо́ва, ублажа́ем тя
и зовѣм:

Ра́дуйся, пречу́дное му́жество
явѣвый; ра́дуйся, яко просвещѣн
был еси́ зарѣю Пресвята́го Ду́ха.

Ра́дуйся, яко страх малоду́шный от
себе́ отря́сл еси́; ра́дуйся, яко щито́м
вѣры огради́лся еси́.

Ра́дуйся, неумолка́ющий благовѣст-
ниче си́лы Бо́жия, в немо́щи чело-
вѣчестей соверша́ющияся; ра́дуйся,
исти́нный поклѣнниче, ду́хом
и исти́ною кланя́йся Творцу́.

Ра́дуйся, му́жу желаній духо́вных,
взыска́вый Христа́ в странѣ нечѣстия
магомѣтова; ра́дуйся, отрину́вый
богопротѣвную ону́ю прѣлесть.

Ра́дуйся, куплю́ дѣявы́й вре́менную,
вкúпе же и вѣчную, небѣсную;



**ра́дуйся, страна́ники и ни́щия
пита́вый от трудо́в твои́х пра́ведных.**

**Ра́дуйся, елее́м ми́лости умаще́нная
главо́; ра́дуйся, горо́ добродете́лей,
ороше́нная кро́ве страда́льческа́я
излия́нием.**

**Ра́дуйся, му́чениче и чуде́творче Ав-
раа́мие.**

Кондак 10

**Спасти́ся нам преи́скренне жела́я,
мо́лишися за нас горе́ у престо́ла
Бо́жия, страда́льче Христо́в Авраа́мие,
и твои́ми моли́твами посóбствуеши нам
в страна́стии многотру́днем земна́го
жития́, е́же в покая́нии и благоче́стии
сконча́ти, да сподо́бимся с тобо́ю воспе-
ва́ти Христу́ и Бо́гу на́шему: Аллилу́иа.**



Икос 10

Стѣну защищѣния стяжавше твоя́ святѣя моли́твы, Авраа́мие чѹдне, радуемся грѣшнии и чтем любѹвию пѣмѣть твоегѹ усекновѣния и мощѣй твои́х святѣх пренесѣния, зовѹще:

Ра́дуйся, великоименѣтый наш заступниче; ра́дуйся, небожителю богопросвещѣнный.

Ра́дуйся, чудотворче дѣвный и мѣлостивый; ра́дуйся, благий послушателю сѹщих в скорбех.

Ра́дуйся, предваряѣй прошѣния призываѹщих тя в бедѣх; ра́дуйся, грѣшных ко исправлѣнию привѣдѣние.

Ра́дуйся, миро врачѣбное недѹгом многоразлѣчным; ра́дуйся, не то́кмо телѣсных, но и душѣвных болѣзней изрядный целѣтелю.



**Ра́дуйся, ду́хов нечи́стых от чело-
ве́ков прогонітелю; ра́дуйся, даро́в
благодáтных незаві́стный подá-
телю.**

**Ра́дуйся, благоухáнием мощей тво́их
услажда́яй ду́ши на́ша; ра́дуйся,
чудесы́ тво́ими утвержда́яй нас во
исти́не святы́я правосла́вныя ве́ры.**

**Ра́дуйся, му́чениче и чудотво́рче Ав-
раа́мие.**

Кондак 11

**Пе́ние моле́бное и похвалу́ сию́
смирённую не прёзри, му́чениче; се бо
ве́рою и любóвию к тебе́ подвизáеми,
ра́ку мощей тво́их собо́рне обсто-
я́ще, ублажа́ем тя, заступника на́шего,
и мо́лимся: моли́ся за ны в́ину ко
Го́споду, ве́мы бо к Немú твоё невоз-
бра́нное дерзнове́ние и тво́их моли́тв
благодáтное де́йство. Имúще тако-**



**ваго предста́теля, благодарне зове́м
дѣвному во святы́х Свои́х Бо́гу на́шему:
Аллилу́иа.**

Икос 11

**Светоно́сным Трѳ́ическим сия́нием
горе́ осия́нный, Авра́амие свя́те, озари́
на́ша сердца́, тьмо́ю грехо́вною покро-
вѣнная; да еле́ем благо́их дел возже́гши
уга́сшия свети́льники на́ша, сподо́-
бимся бра́чнаго Христо́ва черто́га,
идѣже ты вселя́ешия со святы́ми
и слы́шиши сия́ от нас благохвалѣ́ния:**

**Ра́дуйся, Бо́гом да́нный покрови́-
телю наш; ра́дуйся, ангелоподо́бный
челове́че.**

**Ра́дуйся, нищелюбче благосло-
вѣнный; ра́дуйся, страннопри́йм-
ниче, дре́внему о́ному праотцѹ́
Авра́аму уподобля́йся.**



**Ра́дуйся, я́ко рука́ твоя́ изобѣльно
помога́ше нужда́ющимся; ра́дуйся,
я́ко му́дре расточа́л еси́ бога́тство
тле́нное.**

**Ра́дуйся, о́ное пременя́вый на
нетле́нныя небе́сныя бла́га; ра́дуйся,
наслажда́йся блаже́нства ми́ло-
стивых.**

**Ра́дуйся, предстоя́и А́гнцу́ Бо́жию
в ли́ке му́ченическом; ра́дуйся,
ликовству́яи в селе́нии пра́ведных.**

**Ра́дуйся, во страда́нии твоём
до́блесть чу́дную яви́вый; ра́дуйся,
язвы́ Го́спода Иису́са Христа́ на теле
твоём носивы́й.**

**Ра́дуйся, му́чениче и чудотво́рче Ав-
раа́мие.**

Кондак 12

**Благода́ть и ми́лость испроси́ нам
у Христа́и Бо́га на́шего, святы́й и сла́вный**



страстотѣрпче Аврааміе; вѣруем бо несомнѣнно, яко ѣже прѣсиши, дарует ти Всеблагій Владыка; тѣмже и о нас грѣшных умоляти не прѣтай Егѡ благоутрѣбие и испроси нам дар коемѹждо благопотрѣбен, да зовѣм всех благіх Винѡвнику и Дароподателю Бѡгу: Аллилуиа.

Икос 12

Поѣм твою страдальческую кончину, славим твоих честных мощей из Болгара во Владимир пренесение, а по скончании же седми столетий в сам град Болгар пришествие в части мощей твоих, от нихже токи чудес источаеши непрестанно, подвизая звати тебе:

Радуйся, Архангелов и Ангелов сослужителю; радуйся, патриархов и пророков спредстоятелю.

Радуйся, апостолов единоревни-



телю; раду́йся, му́чеников красото́.

**Раду́йся, святите́лей и преподо́бных
собесе́днице; раду́йся, пра́ведных
и всех святы́х сожи́телю.**

**Раду́йся, я́ко свѣ́ше чуде́с дея́нии
укра́сился еси́; раду́йся, в честны́х
и многоцеле́бных моща́х свои́х вѣ́ну
с на́ми пребыва́й.**

**Раду́йся, о́ными пресла́вно чудо-
де́йствуй; раду́йся, отра́до на́ша
и в ско́рбех утеше́ние.**

**Раду́йся, недугу́ющих исцелѣ́ние;
раду́йся, согреша́ющих исправле́ние.**

**Раду́йся, му́чениче и чудотво́рче Ав-
раа́мие.**

Кондак 13

**О пресла́вный страстоте́рпче Хрис-
то́в Авраа́мие, ми́лостиво приѣ́мши си́е
ма́лое молѣ́ние на́ше, умоли́ Царя́ ца́р-**



**ствующих и Господа господствующих,
Христа Бога нашего, избавити нас от
всякия скорби и нужды в жизни сей
и мучений вечных по скончании нашем,
да сподобимся в Царствии Небесном
вкúпе с тобою пѣти Ему: Аллилуиа.**

Этот кондак читается трижды.

Икос 1

**Ангелов сожитель и человеков
заступник войстину явился еси, муче-
ниче достохвально, благоволением
всех Творца Христа Бога, Его же возлю-
бил еси и за Него же пострадал еси
даже до крове во исповедании непо-
колебимом. Темже прими от нас сия
хваления:**

**Радуйся, звездó пресвѣтлая благоче-
стия; радуйся, светило, во тьме нече-
стия преславно возсиявшее.**



**Ра́дуйся, злове́рия магомéтова обли-
чи́телю; ра́дуйся, ве́ры христиа́нския
небоя́зненный проповéднице.**

**Ра́дуйся, Ева́нгельскаго уче́ния
до́брый послу́шателю; ра́дуйся,
зако́на Господ́ня тепле́йший храни́-
телю.**

**Ра́дуйся, куплю́ вре́менную преме-
ни́вый на стяжа́ние ве́чное небéсное;
ра́дуйся, ве́ры Христо́вы би́сер
многоценен стяжа́вый.**

**Ра́дуйся, Христо́вым уче́нием
ду́шу твою́ просвети́вый; ра́дуйся,
удосто́ившийся благода́тнаго
осене́ния свы́ше.**

**Ра́дуйся, яви́выйся добродéтелей
жили́ще, преукраше́нное чисто-
то́ю; ра́дуйся, Ду́ха Свята́го оби́тель
прекрасная.**

**Ра́дуйся, му́чениче и чудотво́рче Ав-
раа́мие.**



Кондак 1

Избранный страсотёрпче Христов
и чудотворче предивный, во стра-
дании твоём венёц приёмый от руки
Вседержителя и со Ангелы предстояй
Его престолу, пёсньми восхваляём тя
любовию и молимся, молитвами
твоими от всяких бед и скорбей
свобождай нас, тебе зовущих:

Радуйся, мучениче и чудотворче Ав-
раамие.

Молитва святому мученику Авраамию Болгарскому

Святый мучениче Авраамие, доблий
воине Христа Царя Небеснаго, в скорбех
и напастех преславный наш помощниче
и защитниче! Ничто же возможе отлу-
читьи тя от любве ко Господу Иисусу —
ни лёгныя обещания благ временных,



ни прещёния, ни мѹки от злых враговъ святѣйшия Христóвы вѣры; ты, яко лев, изшёл еси на брань прóтив волковъ мѣсленныхъ, духóв злóбы, подвѣгших на тя, рáди дóбраго твоегó исповѣдания, единоплеменный тебѣ народъ бóлгарский, и, яко óгненная стрелá, техъ поразил еси сѣлою благодáти Святаго Дѹха, и крѣпкия, яко смерть, любвѣ твоея́ к Бóгу. Аще и пролиыл еси кровь твою́ за Христа́ Бóга нашего, погубѣв вѣременную жизнь, обáче безсмѣртною душѣю, яко орёл, воспарил еси в гóрния обѣтели Отца́ нашего, наслѣдовав там вѣчную жизнь, слáву и блаженство неизреченное, и оставив нам нетлѣнныя остáнки твоя́, яко крин многоцѣнный и благоуханный. Вѣруем, страсотѣрпче святѣй, яко, предстоя́ со А́нгелы и всѣми святѣими Престо́лу слáвы Триипостáснаго Бóга, усѣрдныя и богоприятныя возно́сиши моли́твы



не то́кмо о нас, о святе́й оби́тели сей и гра́де на́шем, но и о всей святе́й Христо́вой Це́ркви и о правосла́вней Ру́сской держа́ве. Ве́руем, пресла́вный чудотво́рче, я́ко ты, си́лою всемогу́щаго Го́спода Иису́са Христа́, чрез святы́я мо́щи твоя́, источа́еши оби́льные дары́ благодатны́я по́мощи во спасе́ние всем, с ве́рою к тебѣ притека́ющим, наипа́че же испра́шиваеши кончи́ну с пока́нием тебѣ чту́щим, и благосе́рдно помога́еши немощны́м младе́нцем, да вси от ма́ла до вели́ка единоду́шно прославля́ем неисповеди́мое вели́чие бла́гости Бо́жией. Те́мже ве́рою и любóвию ко святы́м моща́м твои́м припа́дающе и благоговейно о́ныя лобыза́юще, умоля́ем тя, до́брый на небеси́ наш моли́твенниче и засту́пниче, помога́й нам (и́мена) грѣшным и смире́нным твои́ми моли́твами во всех ско́рбех, ну́ждах и обстоя́ниих



наших, сохраняй нас, святыю обитель сию и град сей от всякаго зла и всякия напасти, наипаче же споспешествуй вѣчному спасенію нашему и всех просящих от тебе помощи и заступленія. Ей, смиренно молим тя, угодниче Божій, моли Христа Бога нашего, да даст Он мир и тишину всем православным христианом и да отвратит от нас всякій гнев, на ны двѣжимый, да избавит нас от сетей вражиих, томленія во узах греха и мученій адовых, и да сподобит нас недостойных одесною Себе стати на Судѣ Своѣм праведном и внѣти в вѣчный покой святых Его, идеже празднующих глас непрестанный и неизреченная сладость зрящих доброту лица Его; и тако возможем с тобою и всеми святыми безконечно прославляти Отца и Сына и Святаго Духа, Троицу Единосущную и Нераздельную. Аминь.



Величание

Велича́ем тя, / святы́й му́чениче Авраа́мие, / и чтим честна́я страда́ния твоя́, // я́же за Христа́ претерпе́л еси́.

Житие святого мученика Авраамия Болгарского

Мученик Авраамий родился в Камской Болгарии (болгары жили между реками Волгою и Камою, впоследствии постепенно утратили свою народность и смешались с победившими их татарами) и воспитан был в магометанской вере, которую исповедовали его соотечественники. Он был человек с большими средствами и занимался торговлею, был пристрастен к суетным благам мира сего и чувственным удовольствиям, оказывал гостеприимство странникам и нищим. По благодати Божией Авраамий убедился в лживости магометанской и в истинности христианской веры и сделался истинным христианином. Исповедуя веру Христову, он пребыл непоколебим в правилах учения Спасителя и за то пострадал от своих единоплеменников. Когда он приехал для тор-



говли в их так называемый великий град Болгары, его склоняли и потом принуждали отречься от Христа. На эти угрозы блаженный Авраамий отвечал отказом. Тогда болгары, рассвирепев, заточили его в темницу на много дней, а затем, видя непреклонность его в вере, отсекали ему сперва руки, потом ноги и голову. Мученически скончался святой Авраамий 1 апреля 1229 года. Бывшие на ярмарке христиане, вероятно, муромские купцы, благоговейно погребли тело страстотерпца на христианском кладбище в Болгарах. Заметив совершавшиеся над гробом его чудесные исцеления больных христиан, они донесли обо всем благоверному великому князю Георгию Всеволодовичу и через год отвезли тело мученика во Владимир, где великий князь Георгий Всеволодович, супруга его, дети, Владимирский епископ Митрофан, духовенство, народ встретили мощи Авраамия и перенесли их в обитель, называвшуюся Княгинин монастырь, и там положили 6 марта 1230 г. в церкви Успения Пресвятой Богородицы.

После кончины Авраамия город Болгары почти весь выгорел. Русские летописцы говорят, что эти пожары Господь посылал в наказание за неповинную кровь Авраамия.



Расписание чтения акафистов

ПН	2:00, 8:00, 14:00, 20:00	Михаилу Архангелу
	2:30, 8:30, 14:30, 20:30	Ангелу-Хранителю
	3:00, 9:00, 15:00, 21:00	прп. Сергию Радонежскому
ВТ	2:00, 8:00, 14:00, 20:00	прор. Иоанну Предтече
	2:30, 8:30, 14:30, 20:30	муч. Авраамию Болгарскому ←
	3:00, 9:00, 15:00, 21:00	прп. Серафиму Саровскому
СР	2:00, 8:00, 14:00, 20:00	Б. М. «Неупиваемая Чаша»
	2:30, 8:30, 14:30, 20:30	Б. М. «Умягчение злых сердец»
	3:00, 9:00, 15:00, 21:00	Б. М. «Всецарица»
ЧТ	2:00, 8:00, 14:00, 20:00	свт. Николаю
	2:30, 8:30, 14:30, 20:30	вмч. и Победоносцу Георгию
	3:00, 9:00, 15:00, 21:00	блж. Матроне Московской
ПТ	2:00, 8:00, 14:00, 20:00	Б. М. «Взыскание погибших»
	2:30, 8:30, 14:30, 20:30	муч. Гурию, Самону, Авиву
	3:00, 9:00, 15:00, 21:00	свт. Спиридону Тримифунтскому
СБ	2:00, 8:00, 14:00, 20:00	вмч. и целителю Пантелеимону
	2:30, 8:30, 14:30, 20:30	за единоумершего
	3:00, 9:00, 15:00, 21:00	Б. М. «Казанская»
ВС	2:00, 8:00, 14:00, 20:00	Покрову Божией Матери
	2:30, 8:30, 14:30, 20:30	Б. М. «Нечаянная Радость»
	3:00, 9:00, 15:00, 21:00	Слава Богу за всё